

Маориф ва маданият богчасининг биринчи дарвозаси мактабдир. Ер юзиндаги маорифли миллатларнинг хар бирлари маданият богчасина шул дарвозадангина кирмишлар, яъни маориф ва маданият йўлига сафар прогроми ясалганда, биринчи моддасини шул «Мактаб очмак» масаласини кўймишлар. Ишларини шул «мактаб»дангина бошлайлар. Мактаб очуб, билфеъл иш бошлагонларидин сўнгра хар тарафдин турли-турли нуксонлар ва эхтиёжлар кўрила бошламишдир. Мактабни очуб кўя колгон ила иш битмаслиги, балки анинг фарки ва давоми учун моддий ва маънавий ёрдам ва маъованатлар, гайрат ва химматлар лозим эконлиги онглашилмишдир. Бунинг учун энг яхши чора ўларок «Жамият»ни тузмишлар. Яъни расмий бир конун доирасинда халқдан иона йигиб, очилмиш ва очиладургон мактаб ва дорулulumларнинг нуксон ва эхтиёжларин енгиллик ила ислох килмок ва адо килмок усулини ижод этмишлар. Бора-бора бу «Жамият» шул кадар тараккий килмиш ва рахмат касб этмишки, маданий миллатларнинг бутун тараккийети диния ва эхтиёжийети миллиялари учун энг ишончли суянчик ва муттакои эттехоз ўлинмиш ва уларда маданият нарвонининг биринчи боскичи мактаб, иккинчиси жамият экон, хозир кўп ерларда мактабни иккинчиликка колдируб, биринчи боскичлик номи мукаддасасини жамият ўзига олмишдир.

Маориф ва маданият йўлига янги кадам кўя бошлагон Туркистон мусулмонлари хам, табиий, шул боскичларни босмакка ва шул дарвозалардан кирмакка мажбурдурлар. Биноаналайх хозирда бизим Туркистон тараккийпарварони кўброк шул мактаб ва жамият атрофида айланмакдалар. Лекин бу мактаб жамиятларни очмак учун кандай тадбирлар лозим? Хукуматдан кайси йўл ила ижозат олинур? Кандай устав ва програмлар ила очмак фойдали бўлур? Мана бу хусусларда идорадан йўл ва машваратлар сўраб мактуб ёзурлар. Бундай мактаблар ниҳоятда кўб бўлгонлиги учун хар бирини айрим-айрим жавоб ёзуб ўлтирмак идора учун хийли мушкуллик бўладур. Тараккийи миллат ва маориф учун бундан фойдали ишларга ташаббус кила бошлагон зотларга ташаккур этмак ила баробар сўраган саволларининг жавобини хусусий мактуб ила бераолмагонимиз учун афуларини рижо килурмиз. Ва жамият очмак хусусидаги саволларина жавобан ушбу маколани такдим киламиз: хозирда Тошканд, Ўренбург, Козон, Боку, Богчасарой каби мусулмони кўб бўлгон шахарларнинг хар бирида мусулмон жамиятлари бор. Бир ерда жамият очмокчи бўлгон кишиларга аввало шул шахарлардаги жарида идораларина ёхуд машхуррок кишиларга мактуб ёзуб, жамият конунномасини, яъни уставини сўрамак лозим. Мактуб олгон зотлар хам бундай фойдали илтимосни ахамиятсиз колдурмасдан, уставни топуб юборадурлар. Мана бу уставлардан бир нечасини кўлга киритгандан сўнгра беш-олти киши бир ерда ўтуруб, шул уставларни ўкуб чикурлар. Машварат килишуб, шунлардан бирини айнан ёхуд бир оз ислох ила кабул килурлар. Ёхуд бунлардан интихоб килуб, янги бир устав ясарлар. Жамиятга муносиб бир исм топуб кўюрлар.

Устав сайламок ёхуд интихоб килмак кайси моддаларини нима учун киритилганлигини

ахли мажлисга яхшилаб тушундирмак учун мажлисда замондан ва илми ҳуқуқдан, ҳеч бўлмагонда, жамият ишларидан хабардоррокбир кишининг вужуди (иштироки) лозимдир. Устав ясолуб, тамом бўлгондан сўнгра: «Ушбу аризамиз баробаринда топширилмиш конун доирасинда бир жамият очмакка рухсат берсонгиз экон», мазмунида бир ариза ёздируб, лоакал беш кишидан устав ҳам аризани имзолатиб, военний губернатўрга топширилур. Ушбу ариза ва уставга кўл қўйган кишилар жамиятнинг муассислари деб аталурлар. Ҳукуматнинг рухсат бермоги осонрок бўлсун учун уставнинг кўб кенгайиб кетмаслиги ҳамда муассисларнинг ҳукумат қошида эътиборлирок кишилардан бўлмоклари яхшироқдур. Бундай кишилар топилмогон такдирда, суд ҳукми ила айбланмогон ва ҳукумат қошида сиёсий жихатдан шубхали саналмогон ҳар бир кишининг муассисликка киришмоги мумкиндир. Ариза берилгондан сўнгра муассисларни тафтиш ва исправка килуб кўрмак учун аризалари палиса идорасина топширилур. Бу вақтда, эҳтимолки, баъзи билмагон кишилар тарафидан кўркитувлар ҳам воқеъ ўлур. Жамиятга ижозат сўрамак муҳолифи низом бир иш ўлмаи, халқ учун ҳам, ҳукумат учун ҳам фойдали бир иш бўлгонлиги учун бунда кўркиш ва кўркутишларга сабаб бўладургон ҳеч бир нарса йўқдур. Биноаналайх ҳеч бир кўркмасдан, чарчамасдан, бу ишнинг орқасидан юрмак лозим.

Агарда бирор сабаб ила биринчи мартабада тасдиқ килмасдан рад килинса, они тузотиб, иккинчи мартаба, иккинчи мартаба рад килинса, учинчи мартаба мурожаат килмакка аввалдан жазм ва қарор беруб қўймак керак. Агарда масъул муассислар орасинда бу ишнинг орқасидан юруга лойик кишилар бўлмаса, ёнларина бир адвокат ёллаб, шунинг воситаси ила юрутулса, яна енгилрок бўлур. Жамиятга рухсат берилгондан сўнгра, аввало, масъуллар йигилишиб, ўз оралариндан бир садрнишин, бир саркотиб ва бир хазиначи сайларлар. Колгонлари идора аъзоси ҳисоб ўлинурлар. Бу кундан эътиборан жамиятнинг хақиқий хизмати бошланур. Пул топмак, аъзо кўпайтирмак ва конун доирасида жамият воситасила манфаати умумияга хизмат килмак каби улуг ҳиммат, гайрат ва фидокорликларга навбат келур. Фақат иш бу даражага етганда, муассис ёнина бир неча ўзлари каби фидокор миллат ходимлари тўплангон бўлиб, максудларина охиста-охиста етуша бошлайлар. Ишда миллий бир жамиятни вужудга чиқармак учун керак ўлан йўл, тартиб ва тадбирлар шундан иборатдур.

*Кўшеш бадасту по ё ин аз асар навмид нест, Ин зори дом охир мекашад нахжирро [\[1\]](#).*

«Садойи Туркистон» 1914 йил, 14 июн